

# Nyezrauh Seizdaih Moq

Gij ronghgim seizcou ndaw da gou, mboujdan miz gij haeuxnaz gimnyamnyam laj din Byadaenggoenz, lij miz gij mbawraeu nding lumj feiz gwnz roen daj hagdangz ma ranz haenx. Diuz roen neix gou byaij lai byaij raeuh, moix baez cungj fatyienh gij gyaendei mbouj doxdoengz de. Gou byaij gvaq gij heu seizcin, hix yawj gvaq gij henj seizcou; dingq gvaq duzbid heuhceuceu lajbya, hix mup gvaq gij vahom heuh mbouj ok mingzcoh haenx. Aen hagdangz dou couh naengh youq laj din Byadaenggoenz, caen dwg gyaesisi hawj vunz ngonz mbouj gaeuq, neix caen dwg ghenh saeh caijsoq ndei ndeu ho!

Ngoenzneix dwg ngoenz ceiq hoj lumz ndeu. Hagdangz dou gawjbanh “Conzdungj Vwnzvacez” Gaiq Daihit—Doxdax Doeg Saw Ndei Cunghvaz. Doxdax gaxgonq, dou nyinhcaen baizlien h gvaq baez youh baez, yienz naeuz gou cijdwg gyoengqdoih ndawde boux ndeu, hoeng lauxsae naeuz moix boux vunz cungj gig



youqgaenj, daihcaez cungj yunghsim bae doiqdaih baez doxdax neix.

Gwn haeuxringz gvaq, couh daengz seiz ceiq gaenjieng haenx lo, dou daenj ndei buh henjranrang ndaw ban, dajcang veh naj ronghmyigmyig. Seizgan couh lumj naenx aenvaiqhaeuj densigih nei, yaep he couh lwnz daengz aen ban dou hwnj daiz biujyienj lo. Gou sim diuqbubbub

byaij hwnj gwnzdaiz, caeuq gyoengq doengzhag itheij cuengqsing doeg sei—《Nyezrauh Seizdaih Moq》. Baez doeg daengz seiz “youq gwnz cauhcangz gvangqmieng, dou biuok raemxhanh, vih aeumiz ndangdaej cangqheiq bae ciepsouh deuqnyex daengzcog” haenx, Vangz Yi caeuq Buz Lanzsingh ndaw ban dou lij guh longhfoux biujyienj, yaepyet gwnz

cauhcangz couh nauhyied hwnjdaeuj. Doeklaeng aen ban dou bingz ndaej daih’it mingz.

Cuengqhag ma ranz, byaij youq gwnz roen ngoenzngoenz byaij gvaq haenx, gij rumzcou doiqnaej ci daeuj haenx cungj diemzsubsub. Duzroeg lumjbaenz doiq dou naeuz: “Sou caen rem!” Goengq Byadaenggoenz sangsoengsoeng haenx hix lumjbaenz riunyumnyum ngonz gou, doiq gou naeuz: “Lwgnyez rauh, laebdaeb roengzrengz bw!”

Gou naemj hagdangz gawjbanh gij hozdung conzdungj vwnzvacez neix, mbouj couh dwg youq seiz geiqciet dajsou neix mbebaij gij cingzciak nyezrauh seizdaih moq ha? Dou mboujdan hagsib ciuhgeq, engq aeu hagsib bonjsaeh moq, baijok gij yienghndei nyezrauh seizdaih moq. Cograwz, caiq roengzrengz bae guh, gou itdingh guhbaenz boux nyezrauh seizdaih moq engq maenhndei ndeu!

(Dangh Cauzgoth raiz Yinj Fuzgen hoiz)



## Ndwenloeg Lajmbanj

Rumz ndwenloeg ci gvaq byaij gyaj seiz, youh swnhfwngz bae bueddoengh gij gimzyienz saedceij. Naed raemxraiz doudh youq byai mbawmeg haenx, dwg gij sawyoux nditromh sij hawj daihdeih; vaiz geq hoiz bak geux nywj, rox dag seizgan gvaq gij ngauez daenggoenz bakmbanj. Gou dawz aen daengq faexcuk caeuq seiz lwgnyez daeuj, naengh youq henz daemz yawjngonz ndwenloeg lajmbanj.

Raemxdaemz lumj gij nyawhheu deng nu soiq, hapraemx nyoengx gobiuz sij sei. Daegnuengx daenj haizbaengz caij soiq gij ngauez fwj gwnz namh, duzbid doeksaet dwk swenj geij sing. Nditndat ciuq haeuj gok buh de bae, rin iq gveng gvaq gwnz raemx veh ok diuz sienq gungj ndeu, caen lumj aen swngjlozhau seiznyez youq ndaw diuzdah seizgan gveng roengzbae haenx. Baih hamq doiqmienh, sing saeg buh caeuq sing roeg heuh gwnz gofaex doxgap, govaiz

geq saenq gij ndit geh mbaw soiq liux, youq ndaw byoemhau daxbuz saeg buh haenx roix baenz roixcaw.

“Yawj, aeu yienghneix hawj lwgrin mbin hwnjdaeuj.” Daegnuengx ndang goz lumj ronghndwen, gaiq rin iq youq gyangfwngz gveng okbae haenx, mboujdan dwg rin, engq dwg gij gvaigvetgvet seiznyez. De son gou doeg gij vah ndaw raemx: Gij rinbenj oi q dwg douhau, raemx fubfeb dwg yinhgiek, gij rin caem youq ndaw raemx dwg coenz vah. Boux lwgnyez soh oi q neix, youq henz daemz caemz bopraemx, guh dwk gig miz ei qsei.

Bouxguh naz daenj mauhnyangj youq ndaw doengh gohaeux nyaengqdidi, yaep raen yaep mbouj raen, hanh doek youq gwnz namh, lumj yaek heuh singj sengei lajnamh, lumj dingq ndaej nyi gij sing gohaeux did ok namh yienghneix. Aen hwet gungj gyoengqde, caeuq gij gungj daegnuengx ndek rin roengz raemx haenx, youq laj ndithaemh doxlumj

caez. Gou sawqmwh roxnyinh, gij hongnaz ngoenzngoenz guh haenx cungj dwg gij seiyoux daihdeih, sing dub buh dwg bingzcaek, faggvak hwnj roengz dwg dingzdwd, lienz gij cezcou aen lingz gwnz hoz duzvaiz geq bibi buengqbuengq haenx, cungj dwg vih gij sei daihdeih dwk ok yinhlwd.

Saek banhaemh ciuq roengz henz daemz seiz, daegnuengx mbouj caiq naemj son gou dwk hapraemx. Dou geq gij ndaundeiq ndaw raemx haenx, dingq gij rumz banhaemh ci gvaq doenghnaz haenx. Ronghrib youq ndaw 《Seiging》mbin okdaeuj, rongh daengz gij saw Dauz Yehmingz. Seizneix aen mbanj lumj gaiq nyawh nei unqswnh, dawz gij gyukcauz caeuq youheiq daengxcungq daih bae liux.

Gyoengqvunz biek mbanj bae gyaec cungj gyaec dawz gij cingz ranzmbanj dwk roengz daeh daiq bae, hoeng cix mbouj rox, gij ndiepiemh ranzmbanj ndaw sim haenx lumj fuk doz nei seizseiz ndaej mbehai. Danghnaeuz mwngz youq ndaw ndoeng ganghginh ra mbouj raen roen, ndaejgeiq daeuj henz daemz neix naenghnaengh. Hawj gij raemx seuqsat, bang mwngz cam aeu gij simnduj deng lumz haenx; hawj gij sing gveng rin roengz raemx, gyaepdeuz gij mbwq ndaw sim. Raeuz dauqdaej dwg gyoengq lwg daihdeih, ciq gij soem naed meg, caiq ra gij soemraeh sengmingh gaxgonq ma ba.

(Cwngh Swwhyj raiz Luz Lilanz hoiz)

## Fouq Da Ndaw Reihmeg

□ Fu Yi

Song cik fwngz ndaemndwt co lumj naengfaex  
 Daiz hwnj riengmeg henjgim  
 Ndaw fajnaj lumj namhhenj, fouq da ndaemfonx  
 Coux rim gij ronghlwenq daenggoenz  
 De haengjdingh ngeng rwz dingq gvaq  
 Gou youq ndaw reihmeg riugakgak  
 De haengjdingh yungh sim yo gvaq  
 Gij rang meg gou doxbuet daiq daeuj haenx  
 Sawqmwh gij nyaeuq gwnz naj de mbehai  
 Fwt nyeux gyaeuq yawj  
 Gwnz namh baihlaeng de rim henjgim liux  
 Riengrieng cungj duiq coh daihdeih